

Dadah hampir RM1 juta dirampas

Enam pengedar dadah ditahan dalam serbuan di dua kondominium

Oleh AHMAD ISMADI ISMAIL

KUALA LUMPUR

Seeramai enam individu disyaki pengedar dadah diberkas dan dadah bernilai RM935,150 dirampas dalam serbuan berasingan di dua kondominium di sini pada Selasa dan Rabu lalu.

Ketua Polis Kuala Lumpur, Datuk Seri Mazlan Lazim ber-

kata, pihaknya menahan seorang wanita berusia 54 tahun di lobi sebuah kondominium di Pudu Ulu pada jam 8 malam Selasa lalu.

“Hasil pemeriksaan, kita merampas dadah jenis methamphetamine seberat 103.5 gram.

“Hasil soal siasat, kita menahan seorang lelaki dan dua wanita berusia 28 hingga 35 tahun dalam serbuan di sebuah unit kondominium sama,” katanya dalam satu kenyataan di sini semalam.

Mazlan berkata, pihaknya turut merampas dadah jenis syabu seberat 502 gram, ketamin seberat 300 gram dan 670 biji pil ekstasi.

“Kita turut menyita wang tunai sebanyak RM3,000. Hasil pemeriksaan mendapati lelaki berkenaan mempunyai tiga rekod lampau berhubung kes dadah.

“Kita percaya kumpulan ini aktif sejak dua bulan lalu. Kesemua mereka direman empat hari sehingga esok (hari ini),” kata beliau.

Dalam kes berasingan, Mazlan berkata, sepasukan anggota polis dari Jabatan Siasatan Jenayah Narkotik Ibu Pejabat Polis Kontinjen (IPK) Kuala Lum-



MAZLAN

pur menahan seorang lelaki dan seorang wanita dalam serbuan pada jam 12.40 tengah malam di sebuah kondominium di Taman Tenaga di sini Rabu lalu.

“Kedua-dua individu yang ditahan itu berusia 38 dan 45 tahun. Kita merampas dadah ketamin seberat 2.910 kilogram (kg), serbuk MDMA seberat 6.31kg dan 400 biji pil ekstasi,” katanya.

Mazlan berkata, pihaknya turut menyita wang tunai sebanyak RM20,240 dan dua ken-

deraan utiliti sukan (SUV) Nissan X-Trail.

“Hasil semakan mendapati lelaki berkenaan mempunyai enam rekod lampau berhubung kes dadah. Ujian saringan awal urin ke atas kedua-dua suspek itu positif dadah jenis methamphetamine,” katanya.

Menurutnya, suspek bergiat aktif mengedar dadah jenis methamphetamine, pil ektasi, pil erimin 5 dan ketamin di sekitar Lembah Klang.

“Nilai keseluruhan dadah yang dirampas adalah sebanyak RM935,150. Suspek direman dua hari sehingga hari ini (semalam) bagi membantu siasatan,” katanya.